

欽定四庫全書薈要

集部
別集類

吉林出版集團有限責任公司
海天出版社

目次

書名	卷次	頁次	作者
秋澗集	卷四九—卷一〇〇	四〇一—一	元・王惲撰
卷四九傳		四〇一—一	
卷五〇碑		四〇一—二〇	
卷五一碑		四〇一—三一	
卷五二碑		四〇一—四二	
卷五三碑		四〇一—五六	
卷五四碑		四〇一—六八	
卷五五碑		四〇一—八一	

書名	卷次	頁次	作者
卷五六 碑 卷五七 碑 卷五八 碑 卷五九 碑 卷六〇 碣 卷六一 碣 卷六二 文 卷六三 祭文 卷六四 祭文		四〇一—九三 四〇一—一〇五 四〇一—一二五 四〇一—一二九 四〇一—一三八 四〇一—一五〇 四〇一—一六一 四〇一—一七四 四〇一—一八三	

書名	卷次	頁次	作者
卷六五 詞		四〇一—一九三	
卷六六 箴		四〇一—一九九	
卷六七 疏		四〇一—二二二	
卷六八 疏		四〇一—二三五	
卷六九 疏		四〇一—二五二	
卷七〇 疏		四〇一—二五六	
卷七一 題跋		四〇一—二六八	
卷七二 題跋		四〇一—二八〇	
卷七三 題跋		四〇一—二九三	

書名	卷次	頁次	作者
卷七四 樂府 卷七五 樂府 卷七六 樂府 卷七七 樂府 卷七八 樂府 承華事略上 卷七九 承華事略下 卷八〇 中堂事記上 卷八一 中堂事記中 卷八二 中堂事記下		四〇一—三〇四 四〇一—三一六 四〇一—三三〇 四〇一—三四二 四〇一—三五五 四〇一—三六二 四〇一—三七五 四〇一—三九一 四〇一—四〇七	

書名	卷次	頁次	作者
卷八三 烏臺筆補		四〇一—四二一	
卷八四 烏臺筆補		四〇一—四三四	
卷八五 烏臺筆補		四〇一—四四〇	
卷八六 烏臺筆補		四〇一—四四九	
卷八七 烏臺筆補		四〇一—四六五	
卷八八 烏臺筆補		四〇一—四七九	
卷八九 烏臺筆補		四〇一—四九五	
卷九〇 便民三十五事		四〇一—五一三	
卷九一 事狀		四〇一—五三二	

書名	卷次	頁次	作者
卷九二		四〇一—五四〇	
事狀			
卷九三		四〇一—五四六	
玉堂嘉話卷一			
卷九四		四〇一—五五六	
玉堂嘉話卷二			
卷九五		四〇一—五六七	
玉堂嘉話卷三			
卷九六		四〇一—五七七	
玉堂嘉話卷四			
卷九七		四〇一—五八九	
玉堂嘉話卷五			
卷九八		四〇一—五九八	
玉堂嘉話卷六			
卷九九		四〇一—六〇六	
玉堂嘉話卷七			
卷一〇〇		四〇一—六一一	
玉堂嘉話卷八			

書

名

卷

次

頁

次

作

者

附錄

製辭

四〇一—六二〇

欽定四庫全書薈要

集部
秋澗集卷四十九
五十

欽定四庫全書薈要卷一萬六千二百五

集部

秋澗集卷四十九

元 王惲 撰

傳

蘇門林氏家傳



其先兗州曲阜人唐之季世有官于閩中者後

復徙家于文登至遠祖府君名翰者蓋五世矣翰在

宋初用貴贈率府率子諱文受知熙陵官至崇儀副

使淮南路提撫刑獄贈領軍衛將軍生子永終屯田

欽定四庫全書

秋澗集
卷四十九

員外郎御史臺推直官累階贈光祿卿永生子之純

字嘉父擢景祐五年進士第釋褐主朝城簿河東犯

橫壠瀕於不支歸兵恟恟欲亡去公安諭之遂怙然

事集升知莘縣以屏盜有方受澶州頓丘令未幾恩

信大行時麥黃水盛下嚙孫陳岸勢危甚公朝服立

潰堤上望濤頭拜禱波神為霽威境賴以安改佐著

作淮陽軍事判官貳徐惠劾紀著叛獄有匿其家者

誣誤殊衆公為辦理多致原釋郊禮覃慶加太常博

詳校官助教臣謝登雋

士知大名縣初天王院五代時有韓王賜田甚廣歲久失據鄰伍以僧妄冒致訟累寒暑不能決公按索隣券考明封畔繼得古石記與所按吻合以田付僧令歲輸常賦民乃稱服用丞相程公薦通判青州終得年四十有九官至職方員外郎上騎都尉仍賜五品命服娶呂氏封京兆縣君惠和宜家之純生三子長曰舍字虛白年十九擢熙寧進士第性恬退以高節自信嘗有詩云世有非常樂人無未老閑未三十以大理評事休官名賢高其行至方之淵明初先生西遊共城愛其山水明秀迥營葬青州府君於縣西處賢鄉古郭里母夫人呂氏祔焉自是林氏為衛之蘇門人先生四子曰愚曰恕曰憇曰忠愚字貢元亦以節行稱宋亡至焚香告誓不仕而終仲弟介鄉貢進士季弟會字貫道幼知嗜書剛正有志操由陰補郊社齋郎初主成都雙流縣簿令久闕攝公行縣事有能聲部內舊有漚歲例役並水民直治貧下苦之公乃一責資溉家理辦仍撓石代工衆免

欽定四庫全書

秋澗集
卷四十九

三

告勞頻歲大稔調宿州司理叅軍暮夜民遺火延燒犴屋公出繫散置庭中比熄倉卒際無越逸者上官材之移南京軍巡判官民有戕其子執謀害人者按竟公至疑焉求情得白遂直其枉改新蔡令歲大蝗獨不入縣境人謂公廉平所致由韋城宰歷奉符縣秩滿授通直郎知蘇州常熟縣兩浙頻年大水引溉浦口湮闕無慮三十餘所累政謾不加省公按行故瀆率疏淪之民受賜不貲元祐庚辰疾終蘇之公館配張氏有淑德駕部員外郎赤之女封壽安縣君生于男四人聽通直郎西京敦宗院博士聰總隱皆業進士自霸貫至成人太孺陰教為居多聽生子五人曰巽允蒙鼎革巽次子諱正國字德將登金大定十六年進士第終少中大夫北京監使生懷遠大將軍毗陽丞諱茂字漢卿懷遠二子曰思敬鄉貢進士曰思德潁川軍仗唐使生子芳今任江南某府從事思敬府君之子即故衛州交鈔規措大使諱通字子泉為人丰儀修整顏渥丹鼻隆然如膽垂寡

欽定四庫全書

秋澗集
卷四十九

三

言笑善心計顧衛南北衡會貨財四通遂積殖與時逐然坐籌能擇人而任故物情得而掇世資生平喜賓客樂施予其克勤躬儉殆憂深思遠者屢以其術事上官獲精幹稱嘗訓子珪曰林氏上世以詩禮傳家代有聞人予惟早失怙恃生長喪亂間以餬口計處四民末業致貽祖禰羞諸孫稍長無忘讀書以復世範汝念茲無置府君以丙辰歲終魚行里之私居壽六十三配宣氏衛之大家主治內務寬儉有母儀燕處榮養期頤而終

欽定四庫全書

秋澗集
卷四十九

四

享年八十有三人以全福歸之子珪以孝義著稱能世其父業嘗任州三務大使次子璋謹愿克家珪子永大名府平準庫使次子元珪奉遵先訓俾之從學其資藉啓迪乃心罔不盡不數年起家為中書掾至元丁丑予列職太史元來謁拜而請曰元無所肖似析薪之責固不克負荷惟是先世行業非得名筆約而暢之將不能傳遠而人見於後先生尚胥暨顧予以林世叙雖邈其聞而知之見而知之者班班可紀加以世姻之好故勉為

傳述之贊曰

林氏本出商姓太丁子比干以忠諫死嗣堅逃難長林山易以定氏周衰枝葉扶蘇散處中國如放之聞於魯顏之顯於齊回以義著至以相名皆其後也繫南安之林唐已來世為魯人宣放之苗裔耶迨唐歷宋金四百餘載間奕葉以儒顯其流風善政表表于時者如是迨規措府君遭時艱虞家中衰竟能適追來孝俾盛德幽光墜而復續豈君子之澤其流淵且長乎

欽定四庫全書

秋澗集
卷四十九

五

南鄺王氏家傳

王氏皆王者之後春秋時王子成父者敗敵有功因賜氏厥後子孫散落中國在晉者靈王太子後齊則畢公高後其在陳留者齊王和之裔汲郡王氏其先陳留陽武縣七圉里人起家墾畝耕稼河陂間宋靖康初避地徙家衛汲縣長樂鄉之白楊里遠祖金天會間積勞至杞縣尉高祖兄弟五人二翁者是為庵王氏初妣父庵素長者聞高祖賢舍而甥焉生子男五曰三翁四翁五

君所鍾愛若壻置於辟婦

闕

容匿會赦

嘗出郭門遇里農易

闕

也墮焉取諸

市可乎其人謝而去其黨

闕

官府來求剖正

為諭之曰遠親莫

闕

世所未免親仁和

隣古之善道初無

闕

君子愛人以德曲直

非所辯曰吾儕小人

闕

不易慮至相戒曰今而

後不可使長若

闕

其為一邦聽直欽服如此

王氏北

闕

者尚十餘房其親喪隨所寓

欽定四庫全書

秋澗集
卷四十九

六

欽定四庫全書

秋澗集
卷四十九

七

公翁十五翁十六翁人見其本支蕃衍稱卮王氏以別因之蓋不忘本也三翁贊譜叙為二代祖生二子曰元用資穎異是為惲高祖自田舍郎改肄士業嘗語人曰終當以筆代耕衆異其言及長補郡掾為人英特棣棣有威儀主治曹務踔勅角切厲風發明昌初節鎮叅佐例朝授用薦者言遷河平軍都日官上官倚重有黑王殿直立節度之目尋得暴疾卒魚行里舍時年三十有八人惜其年不稱德生經紀紳三子紀為決曹紳潛德不耀

曾祖經字伯常天稟孝愛垂髫已知事母容止如成人禮氣方嚴內長厚喜施與志不樂祿仕雍容鄉閭以德度霑一時昆仲七人同居內外無間言以累葉不分家用饒足其賑貧施乏不掩為偏惠人有貸弗忍徵久不克償輒折其券或來謝就復惠濟曰周急素所樂何謝為一世家子要紫大條來取所附

闕 與

徐誠之曰農當務實士君子帶非

闕

送其

家女弟嫁陵氏壻下以俠犯

闕

女妹先

權厝曾之晉村之南阜曾慮歷年久命封馬鬣漫不可識嘆曰吾大宗子合食族墓責實在我遂起新阡大葬於長樂鄉第四疇祖業之北原及舉祀絕者廿餘樞贈賻率有加凡內外男女孤惲無藉賴者為娶嫁之姻禮踰已出曾祖妣系出新中臨清關宋汲郡公呂氏之裔壺儀母德宗屬仰法焉生與曾祖歲月日同北兵破衛亦同時怖沒於家春秋七十有六實貞祐二年甲戌春正月十一日也百年來里中宿耆談孝愛而內有則者

必曾為稱首生祖宇字彥宇身長七尺二寸儀觀清淑少傳家學尤明習文法至帖問條對義精理當筆洒洒無滯辭行輩無居其右者甫冠遭罹板蕩世業為一空奮身從事卒不失舊物雅為節度公完顏從坦所知遇由郡掾辟刑曹孔目官祖盡心庶獄要本情與法應未嘗用察為明情得為喜也故郡中稱平至有哀矜折獄之譽類注刑統進祿等書既而嘆曰後世知我罪我其此書乎生平樂誨人怡顏和氣不以己長格物雖童孺

欽定四庫全書

秋澗集
卷四十九

質問諄諄然無倦色有弗知未始不盡也今梁衛間由吏業而上達者半為門生遂以吏學授先君曰吾治獄平後當有顯者然前賢有言吏以法令為師問而可知其能與否自有資才非學而可此汝最當默識弟完之子鈞早失怙恃鞠育與先君等至一豆羹一裘褐必加顧恤正大改元四月十六日以未疾終新衛州橫堤里之寓館壽五十有一官至敦武校尉祖妣孟氏女縣南草市榆林坊富家姿貞順配祖德良稱既誕先考以貞

祐二年癸酉四月十六日卒於郡之故家再娶韓氏韓宋已來世顯族有累階至司空龍圖者二十九處寡以儉烈聞流寓勤苦保持門戶甚力俾先君卓爾早達祖妣資藉之方為多晚嗜道家教號妙清大元中統庚申重九日以疾終安仁里享年七十有六越三日祔葬玄堂祖柩之左先君諱天鐸字振之姿精敏幼知嗜學諸弟出遊嬉獨把書不置既通大義先祖以律學授之即能下筆條對明究情法已嶄然露頭角眾謂能大其先

欽定四庫全書

秋澗集
卷四十九

業元光初溫國胥公自秦移鎮新衛尚書李特立聞其才由州戶曹掾辟權行部令史時上以御馬賜國公圍曹取芻粟比內廐例先君曰不可在閑則路馬既賜則公乘內廐之例容得同乎公聞之曰王掾愛人以禮二年上黨公闔壁馬武京為河朔藩扞分羸兵四千人假食於昨適公儲亦無幾方風雪寒沍眾待哺閭井間公府議省以聞先君進說曰張糾合義兵皆河北遺黎今飢若是不權宜以濟殆非從便副上官意也侍郎梁亨

道為肯首然當若何曰今官義兩軍溫飽有日若以月

給權輟半以應彼急河南漕粟計不時亦至如此則客

主兩不失所行臺可其請孱兵賴以安活自是大為省

參康塘郎中盧芝塘字良輔芝字建瑞二人號載吏事所賞識曰曾是驥

足騰驤一日千里也正大四四年用元帥完顏公諱額爾克德濟

字火燎之薦拔所能試京師擢吏員甲首時年二十有

六方軍國多故財賦一仰都運司經度實擇才掾集事

即選充運司掾長先君夙夜在公游刃餘裕都漕李公

欽定四庫全書

秋澗集 卷四十九

芳字執剛承安二年進士號精政務同漕移刺吳和深加器重吳和中公字景

先亦入作司藏吏以計盜官物使高世英受職初不知

從來事覺吏逃失所在及科罪從事帥肅執以監主為

罪首抵世英死先君爭之不下至詣憲部詰辯曰原世

英情本非同謀第行盜後受賕耳據法議罪與原謀共

犯不同高止合坐職論且法者固當公共師舍焉以即

汝心是置法為虛器上官避之高竟減死論后懷金來

謁先君怒斥去曰毋汚墨我所爭者法非汝私也豐衍

庫使劉濬字德源愛民榜進士先君嘗從問學以平初業以公代不審陷名紙

三十萬用是追解先君為申理復官如初五年補睦親

府掾屬皇兄荆王判府事愛其德度深加禮遇明年秋

皇太后崩制袒免親奔計有遠邇之限違者從府科罪

時有後期者先君請曰南渡來宗室播弱宜從寬宥王

然之以為知禮園陵禮畢卒無有被劾者六年轉補戶

部令史時簿書財賦委積音紛至先君精力過人故務

愈繁志愈明氣愈厲事愈詳不煩書佐裁決如流於是

欽定四庫全書

秋澗集 卷四十九

風動臺省有快吏元康之譽開興初用入粟例補滿授

戶部主事壬辰天興東狩崔黨往往入宮禁竊取金貝

或堅約同往以遜辭免乃切嘆曰端門不忍過其忍聞

此京城下將士爭入俘掠尋有令禁止先君偕同志者

突冒兵威褰救百餘口於南薰門下乙未歲北還淇上

尋朝廷命斷事官耶律瑪努勒公括諸道戶口柄用頗決

得人為急用薦者署行臺從事制以籍為定互占它縣

以死論有潞民馬醫常氏避役匿河內王帥家事露公

抵常以死意在籍沒州將且用聳動隣道先君辯之曰
常罪止於逋論死則非制書本意公怒曰脫有誤並汝
坐之反復辯明常竟獲免又王鳳翔者告崔師立弟益
侃匿金國珍寶適萬戶杭實納國閹人受誅公抵益等
以喊失罪罪之先君曰初謀竊者崔立今已死況罪不
相及國有常憲公遂平反為出益等至有圖像奉報之
語明年秋即律公薨雲中遂南歸或勸為郡縣曰一丘
之木安足棲集乃書歸去來辭於齋壁以見意因號思

欽定四庫全書

秋澗集
卷四十九

十三

淵老人日以經史自娛而尤習春秋左氏傳西漢書晚

年一洗心於易嘗質問於華陰王先生

名元禮天意進士第號王華子

曰子學易當明易理汝知自昔治少亂多君子寡小人

衆何也先君曰豈非天一而地二乾陽方始而陰已為

之倍歟先生曰予得之矣集歷代諸儒易說為一書題

曰王氏纂玄遇朔例一占玩辭明變其應如響下至天

文及術數等學皆精習之聞一異書輒自手錄多積

至千卷友人劉冲曰何矻矻如是曰吾老矣為自娛

朝夕歲戌戌詔試儒士時恩制寬或以乃嗣長可從師
取試先君曰吾思以義方為訓若以幸竊非常非余所
敢聞嘗誠憚忱曰吾已錯斷不容再寒殍死無掾習能
一志於道以儒素起家吾歿則瞑目矣然學貴專精汝
不見鑑瑩則自能別物學苟不精如治鑑不明將安用
為不學易昧涉世之道不讀麟經無以知筆削之正吾
平昔行已得乎此而已丁巳秋八月以疾終牖下先君
資剛明簡重善持論慮患深雅以大用自期人亦以此

欽定四庫全書

秋澗集
卷四十九

十三

與之握瑜懷瑾羣而不矜事莫可措手者幸優為之不
聲色少動故官守宦游莫不尊德樂道問政質疑取決
而去事已率如教至吏筆縱橫緣以儒術乃餘事耳又
善尺牘作真行書勁韻有風格與人交以取容阿匿為
恥居家寡言笑以身為律度人望而畏若一官府然外
事緩急不一言及家人非疾卧未嘗見日而作三十年
兩易表褐年四十六既奪先妣或勸再娶曰其如不可
何老者繼室又先余死是轉余於恤少者後予是吾遺

累於後竟不娶初試京師時宿院夜夢人奉一首加胄
曰持此若名也及榜出擢甲首云歲丙辰秋惲亦夢人
馳報曰汝父領朝拜旦至趣出顧見先君朝服席帽乘
而秉簡一卒跳梁馬首唱名翠微君節度使后三日先
君遘疾乃以所夢上白曰翠微者太虛之氣夫精氣為
物遊魂為變死生者晝夜之道吾固安之復何憂與明
年捐館吁亦異哉先妣靳氏相州永和鎮人進士子玄
之孫安陽丞顯思之女性淑善於婦道良謹生二子曰

欽定四庫全書

秋澗集
卷四十九

十四

惲曰忱孫振孫宜孫重孫韃郎贊曰

謹按家譜惲六代祖昆弟五人五代祖行一十三高祖
行一十五曾祖行一十九王父行一十四禰伯叔六人
由是而觀金百年間本支不為微眇然自喪亂來或四
三世五六世而已者凡二十有四房哀哉唯扈王氏暨
相之醫傳房歷八世而傳祀是豈偶然者哉惲觀西漢
名臣往往決曹獄史致位槐棘雖云明習文法練達故
實至論身名烜赫膺喬延昌必曰陰積所致王氏自河

平府君而下累葉以力穡承家職司城旦迨先考而業
有光子孫迄綿綿於今視履考祥其亦有足致然者耶

烈婦胡氏傳

劉平妻胡氏濱州渤海縣秦臺鄉田家子至元庚午平
挈胡洎二子南戍棗陽垂至宿沙河岸次夜有虎唬然
突來啗平左髀曳之而去胡即抽裝刀前追可十許步
及之徑刺虎劃腸而出斃焉呼夫猶生曰可忍死去此
若他虎復來奈何委裝車遂扶平攜幼涉水而西黎明

欽定四庫全書

秋澗集
卷四十九

十五

及季陽堡訴於戍長趙侯為抹藥之軍中聚觀哀平之
不幸咤胡之勇烈也信宿平以傷死趙移其事上聞得
復役終身嘻胡柔懦者也非不懼獸之殘酷正以援夫
之氣激於哀而知有夫不知有於菟也平雖死其志烈
甚矣方之太山號婦何壯毅哉贊曰

桓桓壯夫驚勇而大事出倉猝變色蜂蠆烈烈胡氏憤
物為害義激柔衷氣薄於外視虎如鼠所天為大平雖
啞死婦節則邁媛折熊銜蘊刃賊輩形流薇清芬匪